



Kutiphindzisela kwetinkhabi



Mpho Motlhodiemang



Vilakati abenetinkhomo. Kuletinkhomo takhe
bekunetinkhabi letimbili. Lenye beyinembala
lonsundvu lenye imnyama.





Vilakati abesebentisa letinkhabi kulandza tinkhuni emasimini. Nyalo akakhoni kuhambisika tinkhomo emadlelwini ngobe lidvolo lakhe lilimele.



“Hho! Ngitawukhuluma naLanga kutsi
angelusele tinkhommo tami,” kusho Vilakati.
Wacela Langa, wavuma.





Onkhe emalanga Langa abetsatsa tinkhomo atimikise emadlelwani, bese atiyise emfuleni kuyewunatsa emanti. Langa abengatitsandzi letilwane, kakhulukati tinkhabi.



Langa abephatsa letinkhabi kabi. Ahleka uma tehluleka kubalekela ingoti. Ngalesin ye sikhatsi tigcumkele emfuleni angatisiti.





Uma abuyisela tinkhomo ekhaya, abeshaya
tinkhabi atikhutsata kutsi tigijime kakhulu.

Langa abenelunya kakhulu.



Ekhaya, uma acedza kuvalela tinkhomo esibayeni, Langa bekumele atinike kudla kwato. Bese avale lisango ngetigodvo, ahambe.





Ngalelinye lilanga, Vilakati watfuma Langa
kuyewulandza tinkhuni esigangeni. Langa
watsatsa incola netinkhabi wahamba.



Langa wabutsa tinkhuni letanele. Incola yagcwala kakhulu. Tinkhabi tayidvonsa matima incola.

Ngalokwetayelekile, Langa wacala kushaya tinkhabi kutsi tigijime kakhulu. Ngalelo lilanga, tinkhabi atimange tilinge nekugijima. Umtfwalo bewusindza.





Langa watfukutsela kakhulu. Wacala
kutsetsisa tinkhabi. Abengenandzaba.
Tinkhabi betilambile, tomile futsi tikhatsele.



Uma afika ekhaya, Langa wakhumula
tinkhabi watingenisa esibayeni. Wangatiphi
kudla nemanti. Wavala lisango wahamba.





Ngemuva kwekuhamba, tinkhabi takhahlela
lisango lavuleka. Tacala kucoshisa Langa.
Kwaba netintfuli nematje, kwasabalala
yonkhe indzawo.



“Lekelelani! Lekelelani! Tinkhabi
tiyangihlasela!” kumemeta Langa ngelivi
lelikhulu.





“Lekelelani! Lekelelani!” kumemeta Langa abaleka. Wetama kubhaca ngemuva kwesakhiwo lesidzala lesiseceleni nemgwaco, tinkhabi tamlandzela.



Langa wase ucabanga kubuyela kuVilakati.
Tinkhabi tamlanzela. Abegijima aloku
abuka emuva. Uma abuka, wakhandza kutsi
tinkhabi timbukile.





Uma tinkhabi tihlehlā, wasukuma wagijima kakhulu. Masinyane wacabanga lisu. Wacela bangani bakhe labadzala kutsi babuyisele tinkhomo esibayeni.



Langa wehla esihlahleni.

Langa wabona kutsi tinkhabi atiyijabuleli
indlela latiphatsa ngayo. Walandza emanti
wawamikisa esibayeni, ahamba kancane.
Tinkhabi tanatsa emanti. Wase uletsa
nekudla. Tinkhabi tacala kudla.





Langa wema esangweni wakhulumá
netinkhabi ngekutifoba nangenhlóniphó.
Kusukela ngalelo lilanga, wacala kúphatsa
tinkhabi kahle.

Weluleka nalabanye belusi kutsi
baphatse kahle tilwane, ngenhlóniphó
nangekunakekela.



Langa watsatsa tifundvo ngekunakekelwa kwetilwane. Wafundza lokunyenti ngetilwane, nekutsi kumele atiphatse njani. Lutsandvo lwakhe lwetilwane lwakhula. Wacala licembu lekunakekela tilwane. Waniketa nalabanye belusi tifundvo tekunakekela tilwane.

